



**Francisci De Fargna Civitatis Plebis Patrii Philosophiæ,
Sacræ Theologiæ, ac J. U. Doctoris ... Commentaria In
singulos Canones De Jurepatronatus**

Qui sparsim tam intrà, quām extra corpus Juris Canonici vagantur ...

**Fargna, Francesco de
Romæ, M. DCC. XIX.**

Canon XXI.

[urn:nbn:de:hbz:466:1-72172](#)

nis Reverendissimi Episcopi, ea namque non verificatur in facto, nec relevat in jure. Non verificatur quidem in facto, tum quia ex Regestis S. Congregationis Concilii habetur, quod Joannes Puccius Secretarius Cardinalis Montis Altii, & Præpositus hujus ejusdem Præposituræ supplicavit pro licentia celebrandi per alium, quæ attenta ejus infirmitate concessa fuit die 3. Martii 1657. Tum quia in Registro Tabellarum onerum Missarum legitur, quod Præpositus, & cæteri Cappellani habent onus celebrandi per se ipsos, ex quibus potius resultat observantia in contrarium, absque eo, quod vis ulla fieri valeat in celebrationibus Missarum per alios, quæ factæ asseruntur à Cappellanis, cùm id potuerit procedere à licentia Præpositi facultatem habentis eam elargiendi, in casu impedimenti.

S Non relevat autem in jure, tum quia non percutit alia onera personalia Præpositi, præsidendi nimirum, & alia, ut supra faciendi, tum quia, aut prætenditur hujusmodi observantia ante Concilium Tridentinum; & hoc est impossibile, quia ante Concilium non debebatur hæc Præpositura; Aut prætenditur post Con-

cilium, & id pariter est impossibile, cùm illud contra claram Fundatoris voluntatem, reiiciat contrariam observantiam tamquam abusum, & corruptelam, ut in cap. 5. *Jeff. 25. de reform.* de quo supra Par. V. Can. XI. & tradit Rot. decif. 496. n. 9. par. 1. & decif. 216. n. 4. & seq. par. 2. rec. Addito præsertim, quod Bulla erectionis hujus Præposituræ, continet clausulam *sublata*, & decretum irritans, ut in §. 12. & 13. per quæ annullatur, & inficitur quacumque contraria observantia Rot. decif. 400. par. 9. & in Colonien. Canoniciatus 13. Junii 1699. §. *Prout coram Eminentissimo Scotto.*

Minusque urget redditum diminutio, ac factum Domini Ducis, qui R. P. D. Matthæum præsentavit, quia redditum diminutio non sufficit in casu præsenti pro eximendo onere imposito in fundatione, & quia Patronus præsentavit R. P. D. de Matthæis, tempore, quo non erat declaratus Gubernator Montis Altii.

Et ita resolutum fuit ab eadem S. Congreg. in Romana Præposituræ 1. Aprilis 1719.

C A N O N X X I.

GREGORIUS XIV. *Constit. VI. §. 14. Bull. Rom. Tom. 2.*

Ann. 1592.

O Nus Apostolicæ servitutis: *Et infra.* Hortamus vero in visceribus Domini Nostri IESU Christi, ac paterna charitate monemus eos omnes, qui ab hac Sancta Sede nominandi, præsentandi, vel etiam eligendi futuros Episcopos, vel Abbates, jus habent, ut serio apud se cogitent, quanti momenti sit hoc negotium, ex quo salus Animarum, tranquillitas Reipublicæ, incolumentas Religionis, propagatio Fidei, aliaque permulta, & maxima bona dependent. Illud etiam saepe, & saepius ad mentem revocent, quod Sancta Tridentina Synodus admonet, nihil se ad Dei gloriam, & Populorum salutem utilius posse facere, quam si bonos Pastores, & Ecclesiæ gubernandæ idoneos promoveri studeant, eosque alienis

nis peccatis communicantes mortaliter peccare , nisi quos digniores , & Ecclesiæ magis utiles ipsi judicaverint , non quidem precibus , vel humano affectu , aut ambientium cupiditatibus , sed eorum exigentibus mentis præfici diligenter curaverint . De nominandis verò , præsentandis , vel eligendis ad Regulares Dignitates , præter ea , quæ superiùs observanda esse declaravimus , illud quoque paternis his nostris hortationibus , & monitionibus adjiciendum censuimus , ut nominationis , præsentationis , vel electionis jus habentes , eos elegere studeant , atque omnino conentur , qui non modò eumdem ordinem sint ante professi , sed in eodem etiam satis diu laudabiliter versati , neque enim decet , ut magistri aliorum esse incipient , qui non fuerint ante discipuli , & subditis imperare præsumant , qui priùs non didicerint Superioribus obedire .

COMMENTARIUM.

EX hoc Canone sequens deducitur conclusio .

HABENS JUS PRÆSENTANDI AD DIGNITATES EPISCOPALES , ET ABBATIALES , AC AD ALIA BENEFICIA CONSISTORIALIA DEBET PRÆSENTARE PERSONAS IDONEAS =

1 Super humeris Romani Pontificis cùm sit reposita omnium Ecclesiarum sollicitudo , & cura ; nulla major ei cogitatio fuit , quam ut Beneficia suprema , dignis Pastoribus præviderentur , qui operibus , ac doctrina Oves sibi commissas pascerent ; Integritas enim Præsidentium , salus est subditorum ; exclusis proinde , ac remotis Populo , Clero , & Cathedralium Capitulis ab Episcoporum electionibus , exceptis dumtaxat Capitulis Germaniæ , apud quæ ex vi Concordatorum adhuc viget electio , ut vidimus superiùs Can. II. ac sibi restituta , & reservata facultate eligendi , seu deputandi Antistites in Ecclesiis Patriarchalibus , Archiepiscopalibus , & Episcopalibus ex vi Regula secundæ Cancellariæ , de qua supra Can. XV. varia , & utilia Sedes Apostolica , pluribus Conciliorum Decretis , & Constitutionibus decrevit , quo ad providendos ad Cathedrales , & Superiores Ecclesiæ . Voluit namque juxta præceptum Dei , quo in personis Timothei , & Titi , omnium Sacerdotum Christi numerus eruditur , per D. Paulum emissum epist. 1. ad Timoth. cap. 3. ad Tit. cap. 1. Promovendum ad hujusmodi Dignitates esse irreprehensibilem , sobrium , prudentem , ornatum , pudicum , hospitalem , Doctorem , benignum , justum , sanctum , continentem , non vinulentum , non percussorem , non litigiosum , non turpis lucri cupidum , non superbum , nimirum voluit Episcopum esse ex legitimo Matrimonio natum , Catholicum , maturam ætatem ad minus triginta annorum , gravitatem morum , literarumque scientiam habere , sacris Ordinibus saltè ante sex menses initiatum esse ; Totius namque Familiae Domini status , & ordo nutabit , si quod requiritur in corpore , non inveniatur in capite ; ut in cap. Cùm in cunctis de Elect. & ex Concil. Trident. cap. 1. sess. 7. de reform.

2 Jussitque in eodem Concilio cap. 1. sess. 24. & in hoc Canone , sive Constitutione Gregorii fieri examen , processum , seu inquisitionem de Fide , Vita , moribus , doctrina , & pru-

CANON

prudentia Promovendorum, & præscripsit formam omnino observandam in confectio-
ne hujusmodi processus, sive inquisitionis; Videlicet quod quando processus sit consi-
ciendus extra Curiam, hoc munus spectet ad Legatos Sedi Apostolicæ, seu Nuncios
Provincialium, in quibus, si isti non adsunt, ad Ordinarios Personarum Promovendarum,
& iis deficientibus ad Ordinarios viciniores, qui per se ipsos, & non per eorum Vica-
rios, Ministros, vel Auditores id explere debent; Quod si forte contingat aliquem ex
Prælatis, ad quem ordine supradicto spectat confidere processum consanguinitate, vel
affinitate usque ad tertium gradum cum Promovendo esse conjunctum, si Legatus ex-
cludendus est, & ad Nuntium, si Nuntius ad Ordinarium, si Ordinarius ad vicinorem
Ordinarium, inquisitionis officium est deferendum; sicut si quis legitimè impeditus per
se ipsum, processum confidere non possit, eodem ordine transferatur ad alium Præla-
tum impedito vicinorem; & si Prælatus inquirens ob locorum distantiam, testes per se
ipsum super aliquo articulo commodè examinare non valeat, partem illam alteri Perso-
næ in Dignitate Ecclesiastica constitutæ, non autem universam inquisitionem subrogare
poterit.

- 3 Si verò processus sit conficiendus in Romana Curia, tunc id spectat vel ad Cardinalem, qui apud Sedem Apostolicam est Protector illius Provincie, in qua sita est Ecclesia, vel Monasterium, si Ecclesia, vel Monasterium, cui est providendum, sit ad nominationem, seu præsentationem Imperatoris, & alterius Regis, & Principis, vel ad Cardinalem à Papa deputandum.
- 4 Idem Prælati, ordine, & gradu, quo supra confidere etiam debent processum pro ha-
benda informatione status Ecclesiarum, vel Monasteriorum, quibus providendum
erit.
- 5 Prælatus autem, qui confecturus est processum formare debet interrogatoria, & arti-
culos super qualitatibus promovendi, & statu Ecclesie, & super eis interrogare Testes,
qui sint viri pii, graves, & prudentes, sanguine non attinentes, aut nimium familiares,
neque inimici, aut æmuli Personæ promovendæ; Quibus omnibus peractis idem Præ-
latus, præsente Notario, & Testibus recipere debet professionem Fidei à Promovendo
faciendam, atque eam à se admissam, & receptam propriæ manus subscriptione testari;
Is quoque, qui dictam professionem fecerit, eam subscribet. Hujusmodi autem proces-
sus perfectè compilatus, transmittendus est ad Sedem Apostolicam, qui subscribitur,
& expeditur à Cardinale, cui proponendi munus incumbit, & à tribus priorum Ordini-
num Cardinalibus.
- 6 Hortatur verò Summus Pontifex Patronos, & eos, qui habent jus præsentandi ad Ca-
thedrales, & Beneficia Concistorialia, ut ad ea præsentent Personas idoneas, quæ
præsentationes, & nominationes examinari debent à Congregatione Concistoriali, ut
disponitur à Sisto V. *Confis. 74. Cong. 3.* meminisse enim debent Patroni nihil se ad Dei
gloriam, & populorum salutem utilius posse facere, quam si bonos Pastores, & Eccle-
sie gubernandæ idoneos promoveri studeant, eosque alienis peccatis communicantes
mortaliter peccare, nisi quos digniores, & Ecclesie magis utiles ipsi judicaverint, non
quidem precibus, vel humano affectu, aut ambientium suggestionibus, sed eorum exi-
gentibus meritis præfici diligenter curaverint, ut his verbis admonet Concilium Tri-
dentinum *dicto cap. 1. sess. 24. de reform.*

CANON